

**CENTRALNA BANKA  
BOSNE I HERCEGOVINE**

Broj: 150-15-4-1102-7/18 DM  
Sarajevo, 15.05.2018. godine

Na osnovu člana 70. st. (1), (3) i (6) i člana 89. Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, i člana 13. stav (3) Pravilnika o javnim nabavkama, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

**O D L U K U**

o izboru najpovoljnijeg ponuđača u postupku javne nabavke robe – klima uređaja

**Član 1.**

Centralna banka Bosne i Hercegovine (u daljem tekstu: Centralna banka) dodjeljuje ugovor za nabavku robe – klima uređaja, za potrebe Glavne banke Republike Srpske Centralne banke BiH, ponuđaču SLOBODA s.p. Banja Luka, u svemu prema ponudi, broj: 01-1804/18 od 18.04.2018. godine.

**Član 2.**

Ponuda ponuđača iz člana 1. ovog ugovora iznosi:

20.512,00 KM bez uračunatog PDV-a  
(dvadesethiljadpetstodvanaest konvertibilnih maraka 00/100);

23.999,04 KM sa uračunatim PDV-om  
(slovima: dvadesettrihiljaddevetstodevedesetdevet konvertibilnih maraka 04/100).

**Član 3.**

Centralna banka će, po sticanju uslova za zaključenje ugovora po osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor za čije se izvršenje zadužuje Glavna banke Republike Srpske Centralne banke BiH.

**Član 4.**

Centralna banka će o rezultatima provedenog postupka javne nabavke obavijestiti ponuđače.

**Član 5.**

Za realizaciju ove odluke zadužuju se Odjeljenje za javne nabavke i Odjeljenje za računovodstvo i financije Centralnog ureda Centralne banke Bosne i Hercegovine.

**Član 6.**

Ova odluka će se objaviti na web stranici Centralne banke [www.cbbh.ba](http://www.cbbh.ba), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

**Član 7.**

Ova odluka stupa na snagu danom donošenja.

**O b r a z l o ž e n j e**

Postupak javne nabavke robe – **klima uređaja**, putem konkurentskog zahtjeva za dostavu ponuda, koji je pokrenut Odlukom, broj: 150-15-4-1102-2/18 SAK od 03.04.2018. godine. U skladu s tim, Centralna banka je dana 12.04.2018. godine na portalu Javnih nabavki objavila Konkurentski zahtjev za dostavu ponuda, broj:

1370-7-1-224/18, nakon čega je upućen Konkurentski zahtjev za dostavljanje ponuda ponuđačima: ELEKTRO FRIGO d.o.o. Banja Luka, MASTER FRIGO d.o.o. Banja Luka i ponuđaču SLOBODA s.p. Banja Luka.

Do određenog roka za dostavljanje ponuda, pristigle su dvije ponude, i to ponuda ponuđača E+E+E-ENERGY d.o.o. Sarajevo i ponudu ponuđača SLOBODA s.p. Banja Luka. Komisija je izvršila pregled i analizu dostavljenih ponuda, te je u svom Zapisniku o pregledu i ocjeni ponuda, broj: 149-15-4-1229-6/18 od 23.04.2018. godine, konstatirala sljedeće:

Ponuđač **E+E+E-ENERGY d.o.o.** je dostavio katalog, brošuru u kojoj je navedeno da je područje rada vanjske jedinice od -15<sup>o</sup> do 43<sup>o</sup>, a tehničkom specifikacijom je traženo da granične vrijednosti vanjske temperature hlađenja iznose od -15<sup>o</sup> do +46<sup>o</sup>.

Maksimalna dužina cijevi prema katalogu iznosi 50 m, a prema tehničkoj specifikaciji je traženo 70 m. U katalogu, brošuri za unutrašnju jedinicu se ne vidi mogućnost autoreseta, a isto je traženo tehničkom specifikacijom.

Također se ne može zaključiti koji je tip kompresora, a što je traženo tehničkom specifikacijom.

Pored navedenog, ovaj ponuđač nije dostavio spisak izvršenih ugovora, a koji je tražen tačkom 4.2. konkurentskog zahtjeva za dostavljanje ponuda.

Cijeneći ove činjenice, Komisija je zaključila kako navedeni ponuditelj nije zadovoljio tražene uvjete iz tenderske dokumentacije, te je njegova ponuda kao takva neprihvatljiva.

Pregledom i ocjenom ponude ponuđača **SLOBODA s.p., Banja Luka** Komisija je ustanovila da ponuda ovog ponuđača ispunjava sve uvjete iz predmetne tenderske dokumentacije, te da je ista prihvatljiva.

Budući da je pristiglo dvije ponude, od kojih je samo jedna prihvatljiva, u skladu s odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) nisu se ispunili uvjeti za zakazivanje e-aukcije, te ista nije niti zakazana.

Shodno ustanovljenim činjenicama iz navedenog zapisnika, Komisija je sačinila Izvještaj o radu komisije sa preporukom, broj: 149-15-4-1229-7/18 od 23.04.2018. godine, u kojem je Komisija dala svoju preporuku da se ugovor zaključi s ponuđačem SLOBODA s.p. iz Banja Luke.

Cijeneći sve navedene činjenice, ovaj ugovorni organ odlučio je kao u dispozitivu odluke.

#### **Pouka o pravnom lijeku:**

Protiv ove odluke može se uložiti žalba u pisanoj formi, Centralnoj banci, u roku od pet dana od dana prijema odluke o izboru najpovoljnijeg ponuđača.



GUVERNER

dr Senad Softić

Dostaviti:

- Uredu guvernera
- Viceguvernerima
- Uredu glavnog internog revizora
- sekretaru Uprave i Upravnog vijeća
- Glavnoj banci Republike Srpske Centralne banke BiH
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za ljudske resurse
- u spis predmeta (original)
- arhiva